

# Հաջորդականություն $\mathbb{R}^m$ -ում

- Հաջորդականություն  $\mathbb{R}^m$ -ում
  - Հիմնական սահմանումներ
  - Հեռավորություն և Չնդեր
  - Սահմանափակություն և Սահման
  - Կոորդինատային զուգամիտության սկզբունքը
  - Բոլցանո-Վայերշտրասի լեմման  $\mathbb{R}^m$ -ում
  - Կոշու զուգամիտության սկզբունքը
  - Կուտակման կետեր

## Հիմնական սահմանումներ

Արդեն գիտենք, որ եթե  $x, y \in \mathbb{R}^m$  տարրերի համար, որտեղ  $x = (x^1, x^2, \dots, x^m)$ ,  $y = (y^1, y^2, \dots, y^m)$ , գումարումը սահմանենք՝

$$x + y = (x^1 + y^1, x^2 + y^2, \dots, x^m + y^m)$$

իսկ սկալյարով բազմապատկումը՝

$$\lambda x = (\lambda x^1, \lambda x^2, \dots, \lambda x^m)$$

օրենքներով, ապա  $\mathbb{R}^m$ -ը այս գործողությունների հետ կդառնա գծային տարածություն: Ավելին, այն նորմավորված է, քանի որ հեշտ է ստուգել, որ  $\|x\| = \sqrt{(x^1)^2 + \dots + (x^m)^2}$  բանաձևը բավարարում է նորմի պայմաններին:

**Սահմանում 1:**  $\mathbb{R}^m$ -ում **հաջորդականություն** ասելով կհասկանանք հետևյալ բազմությունը՝  $\{x_n\}_{n=1}^{\infty}$ , որտեղ  $x_n \in \mathbb{R}^m$  ( $n \in \mathbb{N}$ ):

$$\{x_n\}_{n=1}^{\infty} \subset \mathbb{R}^m$$

## Հեռավորություն և Չնդեր


**Սահմանում 2:**  $x, y \in \mathbb{R}^m$  տարրերի **հեռավորություն** ասելով կհասկանանք  $x - y$ -ի նորմը: Այսինքն՝

$$d(x, y) = \|x - y\|$$

$(x-y)$ -ը  $\mathbb{R}^m$ -ի տարր է  $\Rightarrow$  ունի նորմ ու հենց էդ նորմն էլ կանվանենք  $x, y \in \mathbb{R}^m$  տարրերի **հեռավորություն**:


**Սահմանում 3:**  $\mathbb{R}^m$ -ում  $a$  կենտրոնով և  $r$  շառավղով **բաց գունդ** ասելով կհասկանանք հետևյալ բազմությունը՝

$$B(a, r) = \{x \in \mathbb{R}^m \mid d(a, x) < r\} = \{x \in \mathbb{R}^m \mid \|x - a\| < r\}$$



**Սահմանում 4:**  $\mathbb{R}^m$ -ում  $a$  կենտրոնով և  $r$  շառավղով **փակ գունդ** ասելով կհասկանանք հետևյալ բազմությունը՝

$$\bar{B}(a, r) = \{x \in \mathbb{R}^m \mid d(a, x) \leq r\} = \{x \in \mathbb{R}^m \mid \|x - a\| \leq r\}$$



**Մասնավորապես:**

- $m = 1$  դեպքում՝  $(a - r, a + r)$  միջակայքն է:
- $m = 2$  դեպքում՝ շրջան (բաց կամ փակ):

## Սահմանափակություն և Սահման

**Սահմանում 5:** Կասենք, որ  $\{x_n\}_{n=1}^{\infty}$  հաջորդականությունը **սահմանափակ** է  $\mathbb{R}^m$ -ում, եթե  $\exists M$  s.t.  $\|x_n\| \leq M$ :

**Սահմանում 6:** Կասենք, որ  $x_n \in \mathbb{R}^m$ ,  $x_n \rightarrow \infty$ , եթե  $\forall E$ -ի համար  $\exists n_0 \in \mathbb{N}$  s.t.  $n > n_0 \implies \|x_n\| > E$ :

**Սահմանում 7 (Հաջորդականության սահման):**  $a \in \mathbb{R}^m$  տարրը կոչվում է  $x_n \in \mathbb{R}^m$  հաջորդականության սահման, եթե  $\forall \varepsilon > 0$ -ի համար  $\exists n_0(\varepsilon) \in \mathbb{N}$  s.t.  $n > n_0(\varepsilon) \implies \|x_n - a\| < \varepsilon$ : (հեռավորությունը պիտի ձգտի զրոյի)

## Կոորդինատային գույքամիտության սկզբունքը

Նորմի սահմանումից բխում են

$$|x^i| \leq \|x\| \leq |x^1| + |x^2| + \dots + |x^m| \quad (1)$$

Իրոք,  $|x^i| = \sqrt{(x^i)^2} \leq \sqrt{(x^1)^2 + \dots + (x^m)^2} = \|x\| \leq \sqrt{(|x^1| + \dots + |x^m|)^2} = \dots$

$$(|x^1| + \dots + |x^m|)^2 = \underbrace{\sum_{i=1}^m |x^i|^2}_{\|x\|^2} + 2 \underbrace{\sum_{1 \leq j < k \leq m} |x^j| |x^k|}_{\geq 0}$$

Քանի որ «խառը արտադրյալները» ( $2|x^j||x^k|$ ) ոչ բացասական են, ապա՝

$$\left(\sum |x^i|\right)^2 \geq \sum |x^i|^2 = \|x\|^2$$

Արմատ հանելով՝ կստանանք պահանջվող անհավասարությունը՝

$$|x^1| + \dots + |x^m| \geq \|x\|$$

**Թեորեմ (Կոորդինատային զուգամիտության թեորեմը):** Դիցուք  $a = (a^1, \dots, a^m) \in R^m$ :

Որպեսզի  $x_n \rightarrow a$ , անհրաժեշտ է և բավարար, որ

$$\left. \begin{array}{l} x_n^1 \rightarrow a^1 \\ x_n^2 \rightarrow a^2 \\ \dots \\ x_n^m \rightarrow a^m \end{array} \right\} : \quad (1.3)$$

**Ապացույց:**

( $\Rightarrow$ ) Դիցուք  $x_n \xrightarrow{n \rightarrow \infty} a$ : Հետևաբար  $\forall \varepsilon > 0$ -ի համար  $\exists n_0(\varepsilon) \in \mathbb{N}$  s.t.  $n > n_0(\varepsilon) \implies \|x_n - a\| < \varepsilon$ :

Օգտվելով (1)-ից կարող ենք ասել, որ  $|x_n^i - a^i| < \|x_n - a\| < \varepsilon$ :

$\implies \forall i, \forall \varepsilon > 0, \exists n_0(\varepsilon) \in \mathbb{N}$  s.t.  $n > n_0(\varepsilon) \implies |x_n^i - a^i| < \varepsilon$  ( $i = \overline{1, m}$ ): Ուստի  $x_n^i \xrightarrow{n \rightarrow \infty} a^i$ :

( $\Leftarrow$ ) Դիցուք  $x_n^i \xrightarrow{n \rightarrow \infty} a^i$  ( $i = \overline{1, m}$ ): Ցույց տանք, որ  $x_n \xrightarrow{n \rightarrow \infty} a$ :

Օգտվելով  $\|x_n - a\| \leq |x_n^1 - a^1| + |x_n^2 - a^2| + \dots + |x_n^m - a^m|$  անհավասարությունից և  $x_n^i \rightarrow a^i$  ( $i = \overline{1, m}$ )-ից կունենանք, որ  $\forall \varepsilon > 0$ -ի համար  $\|x_n - a\| < m\varepsilon_1$ :

Նշանակենք  $\varepsilon_1 = \frac{\varepsilon}{m}$ , կունենանք որ  $\|x_n - a\| < \varepsilon$ :

# Բոլցանո-Վայերշտրասի լեմման $\mathbb{R}^m$ -ում

**Թեորեմ (Բոլցանո-Վայերշտրաս):**  $\mathbb{R}^m$ -ի սահմանափակ հաջորդականությունից կարելի է առանձնացնել զուգամետ ենթահաջորդականություն:

**Ապացույց:**

Նախ ապացուցենք  $m = 2$  դեպքում: Ունենք  $x_n = (x_n^1, x_n^2)$  սահմանափակ հաջորդականությունը՝  $|x_n| \leq L, n \in \mathbb{N}$ : (1)-ի համաձայն ունենք՝

$$|x_n^1| \leq L, \quad |x_n^2| \leq L :$$

Թվային հաջորդականությունների վերաբերյալ Բոլցանո-Վայերշտրասի լեմմայի համաձայն,  $x_n^1$  հաջորդականությունը պարունակում է զուգամետ ենթահաջորդականություն՝

$$x_{n_k}^1 \rightarrow x_0^1 \quad (1.5)$$

Այժմ,  $x_{n_k}^2$  հաջորդականության համար կիրառելով Բոլցանո-Վայերշտրասի լեմման, կստանանք՝

$$x_{n_{k_l}}^2 \rightarrow x_0^2, \quad l \rightarrow \infty \quad (1.6)$$

Նախորդ թեորեմի համաձայն, (1.5)-ից և (1.6)-ից հետևում է՝

$$x_{n_{k_l}} \rightarrow (x_0^1, x_0^2), \quad l \rightarrow \infty :$$

Քանի որ  $x_{n_{k_l}}$ -ը  $x_n$  հաջորդականության ենթահաջորդականություն է, ապա  $m = 2$  դեպքում ապացույցն ավարտված է:

Ընդհանուր դեպքում պնդումն ապացուցելու համար կկիրառենք մաթեմատիկական ինդուկցիա ըստ  $m$ -ի: ■

## Կոշու զուգամիտության սկզբունքը

**Սահմանում 8:**  $\{x_n\}_{n=1}^{\infty} \subset \mathbb{R}^m$  հաջորդականությունը կոչվում է **ֆունդամենտալ**, եթե  $\forall \varepsilon > 0$ -ի համար  $\exists n_0 \in \mathbb{N}$  s.t.  $n > n_0(\varepsilon) \implies \|x_n - x_m\| < \varepsilon$  (երբ  $m > n_0$ ):

**Թեորեմ:** Որպեսզի  $x_n \in \mathbb{R}^m$  հաջորդականությունը լինի զուգամետ  $\iff$  այն լինի ֆունդամենտալ:

**Ապացույց:**

$(\implies)$  Դիցուք  $x_n$ -ը զուգամետ է, այսինքն  $\exists a \in \mathbb{R}^m$  s.t.  $\forall \varepsilon > 0 \exists n_0(\varepsilon) \in \mathbb{N} \ m, n > n_0(\varepsilon) \implies$

$$\begin{cases} \|x_n - a\| < \frac{\varepsilon}{2} \\ \|x_m - a\| < \frac{\varepsilon}{2} \end{cases}$$

Դիտարկենք հետևյալը՝

$$\|x_n - x_m\| = \|x_n - a + a - x_m\| \leq \|x_n - a\| + \|x_m - a\| < \frac{\varepsilon}{2} + \frac{\varepsilon}{2} = \varepsilon:$$

( $\Leftarrow$ ) Դիցուք  $\forall \varepsilon > 0$ -ի համար  $\exists n_0(\varepsilon) \in \mathbb{N}$  s.t.  $n, m > n_0 \implies \|x_n - x_m\| < \varepsilon$ :

Օգտվելով (1)-ից՝ կունենանք՝

$$|x_n^i - x_m^i| \leq \|x_n - x_m\| < \varepsilon \implies \forall \varepsilon > 0\text{-ի համար } \exists n_0(\varepsilon) \text{ s.t. } m, n > n_0(\varepsilon) \implies |x_n^i - x_m^i| < \varepsilon \ (i = \overline{1, m}):$$

Ինչը նշանակում է, որ  $x_n^i$  թվային հաջորդականությունը ֆունդամենտալ է: Հետևաբար, ըստ Կոշու զուգամիտության սկզբունքի, թվային հաջորդականությունների համար  $\exists a^i \in \mathbb{R}$  s.t.  $x_n^i \xrightarrow{n \rightarrow \infty} a^i$  ( $i = \overline{1, m}$ ):

Օգտվելով կոորդինատային զուգամիտության սկզբունքից, կարելի է պնդել, որ  $x_n \xrightarrow{n \rightarrow \infty} a$ , որտեղ  $a = (a^1, a^2, \dots, a^m)$ :

## Կուտակման կետեր

**Սահմանում 9:** Դիցուք  $E \subseteq \mathbb{R}^m$ :  $x_0 \in \mathbb{R}^m$  կետը կոչվում է  $E$  բազմության **կուտակման կետ**, եթե  $x_0$ -ի ցանկացած  $B(a, \varepsilon)$  շրջակայքում  $E$ -ի անվերջ թվով կետեր կան առկա:

$E$  բազմության կուտակման կետերի բազմությունը նշանակենք  $E'$ -ով: